

Napesi bino mbote na Kombo ya Nkolo na biso Yesu Kristo. Mokolo mosusu lisusu Nzambe apesi biso ngolu ya kotala, mpe tosengeli kosalela libaku oyo mpo na koyekola Liloba na Ye, lokola apesi biso nzela.

Tango tozali awa na mokili, tosengeli koyeba ete ezali na Bokonzi moko oyo Nkolo Yesu akendaki kobongisela biso na likolo. Kasi, na mawa, Bokonzi wana ekozala te ya bato nyonso. Bato mosusu bakobengama kaka, kasi bakozala te bakonzi mpe banganganzambe; kasi bakozala kaka Epouse (Mwasi ya libala) ya Kristo, mpe bandeko ya Mokonzi nde bakokabwana na Bokonzi yango.

□ Matayo 22:1-13

Yesu alobaki ete bato wana bakozala bato: *“oyo batikalaki elongo na ngai na komekama na ngai.”*

□ Luka 22:28-29

*“Bino nde botikalaki elongo na ngai na komekama na ngai; mpe ngai mpe napesi bino Bokonzi, ndenge Tata na ngai*

*apesaki ngai.”*

Wana bazalaki bato oyo balandaki Yesu banda obotami na Ye, tii na mosala na Ye, mpe kino na liwa na Ye. Bato lokola Maria, bantoma, mpe basusu oyo balandaki Ye bipai nyonso akendaki, lokola Matia. Biso mpe, bato ya tango oyo, soki tokosalela Nzambe ndenge wana, tokoki kokabwana na bango.

Lelo, tokotala moto mosusu oyo asalaki lisanga na komekama ya Yesu: Simoni Mpirene.

Tango Yesu azalaki pene ya kokomema Ye na ekulusu, sima ya kobetama makasi, kotutolama, kobetama mbata, kolatisama motole ya nsomi, Bibili elobi ete elongi na Ye ebebaki koleka moto nyonso.

□ Isaya 52:14

*“Elongi na Ye ebebaki makasi koleka ya bato mosusu nyonso.”*

Batwaki Ye ekulusu mpo amema yango kino Golgotha, kasi azalaki lisusu na makasi te. Bongo basoda bakangaki moto moko oyo azalaki kowuta na bilanga, bakangisaki Ye na makasi ete amema ekulusu.

□ Luka 23:26

*“Bakangaki Simoni, moto ya Sirene, oyo azalaki kowuta na bilanga, bakamwatisaki ekulusu ete amema yango sima ya Yesu.”*

Mpo na nini bazwaki moto ya bilanga? Mpo azalaki moto ya mosala, moto oyo azali na makasi, oyo ayebi kosala mpasi. Bongo Simoni amemaki ekulusu kino Golgotha.

□ Marko 15:21-22

*“Bakangaki Simoni Mkirene, tata ya Aleksandre na Rufus, ete amema ekulusu na Ye.*

*Bamemaki Yesu kino na esika babengaka Golgotha.”*

□ Mateya oyo tozwi

Nkolo akopesa moto te ekulusu na Ye soki moto yango azali te *moto ya bilanga* — elingi koloba moto ya mosala ya Nzambe. Moto ya bilanga azali moto oyo asalisaka Liloba, azali kaka te koyoka to kotanga.

Moto ya bilanga:

- azali kosala mosala ya Kristo na makabo Nzambe apesi ye,
- azali komisalela na bomoi ya bosantu,
- azali moto ya losambo, ya komikila bilei (kofunga), mpe ya kosakola Sango Malamu.

□ 1 Timote 4:7-8

*“Mizala na bomoi ya bosantu, pamba te bomoi ya bosantu ezali na litomba mpo na nyonso.”*

Soki tokosala bongo, Nkolo akomona ete tosengeli kopesama ngolu ya komema ekulusu na Ye, mpe tokokabwana na Bokonzi na likolo, pamba te Bokonzi ezali mpo na baoyo bakabolaki mpasi na Ye awa na mokili.

Nkolo apambola bino mingi.

Shalom.

Share on:  
WhatsApp